

古文苑

三



古文苑卷第三
賦
尾物之變怪則有定要而四月魚尾
身或三足而六眼龍形而似人羣
冬到三前仙時而對平直欲相引
...

古文苑卷第三

賦

夢賦

王延壽

臣弱冠嘗夜寢見鬼物與臣戰遂得東方朔與
臣作罵鬼之書臣遂作賦一篇叙夢後人夢者
讀誦以却鬼數數有驗臣不敢蔽其詞曰

余宵夜寢息乃忽有非常之夢其為夢也悉覩
鬼物之變恠則有蛇頭而四角魚尾一作首而鳥
身或三足而六眼龍形而似人羣行而奮搖忽
來到吾前伸臂而舞手意欲相引牽於是夢中

古文苑卷第三

三十一

驚怒膈臆紛紛曰吾含天地之淳和何妖孽之

敢臻尔乃揮手振奮

一作奮

拳雷發電舒前游光斬

猛猪

一作曉

批黠毅斫魅虛捎魍魎拂諸渠撞縱

目打三顱撲茗蕘扶夔矍

若蕘一作魍

搏一作暉覘皖

蹴睢盱剖列蹙掣羯孽剝尖鼻踏赤舌挈傖甕

揮髣髴於是手足俱中捷獵摧拉澎淖跌抗指

倒批笞強梁捶捋剝按捺予揔撻黠施類

一作類

躡抨橙軋於是群邪衆魅駭擾遑遽煥衍叛散

乍留乍去變形形瞪眄顧望猶豫吾於是更奮竒

譎脉捧獲噴扼撓峴撻

扼一作振

咿嘍批搗嘖於是



三三四四相隨佯傍而歷僻礧礧磕磕揜齊亥

一作精氣充

布言言譽譽

一作譽

鬼驚魅怖或盤踞而

欲走或拘攣而不能步或中瘡而宛轉奄霧消

而光散寂不知其何故嗟妖邪之恠物敢干真

人之正度耳啣嘈而外朗忽屈申而覺寤於是

雞知天曙而奮羽忽嘈然而自鳴鬼聞之以迸

走心惛怖而皆驚亂曰齊相夢物而以霸兮武

丁夜感得賢佐兮周夢九齡年克百兮晉文監

腦國以竟

一作競

兮老子役鬼為神將兮轉禍為

福永無恙兮

三四六

一百八死三

二

吳浩

王孫賦

王延壽

原天地之造化實神偉以屈竒道玄微以密妙

信無物而不為有王孫之狡獸形陋觀而醜儀

顏狀類乎老公軀體似乎小兒眼眶暈以耽

一作眇眇視職睫以映瞳突高匡而曲頰一作嬰

一作呼歷切歷而隳離鼻鞋鞣以馭鞅目聿役以啗

知口嗛哻以齡一作齧脣皴啣以飛脰齒崖崖

以齧齧嚼咩咩而囁兒儲糧食於兩頰稍委輸

於胃脾蹠兔蹲而猪一作狗距聲歷鹿而喔咿或

囁囁而噉噉又啗嬰一作嗅而若啼姿僭僂而抵

一作贛豁盱閱以瑣一作醯一作醢一作醢一作醢

賜既睠矚而踈髮生深山之茂林處蘄巖之欽

崎性獯獷以播疾態峯出而橫施緣百仞之高

木攀窈裊之長枝背牢落之峻壑臨不測之幽

溪尋柯條以宛轉或捉腐而登危若將頽而復

着紛紛紕紕以陸離或羣跳而電透了一作瓜懸

而瓠垂上觸手而拏攫下值一作對一作足而登跣手

攀攬以狂接曼儵眴而電走將一作寥一作遼落以蕭

索乍睥睨以容與或躋一作綠一作跌以跳迸又咨嘔

而攢聚扶欹崟以揀一作陳一作極一作極躡危臬而騰舞忽

古文苑卷三

三

三四六 李忠

踊逸而輕迅羗難得而覩縷同甘苦於人類好

舖糟以歡醅乃置酒於其側競爭飲而踔馳顛

陋酌以迷醉矇眠睡而無知擗拏髮一作髮一作以夔

縛遂纓絡而羈縻歸鎖繫於庭廡觀者吸啤一作啤

而忘疲

漢津賦

蔡邕

夫何大川之浩兮洪流淼以玄清配名位乎天

漢披厚土而載形登源自乎嶠冢引漾澧而東

征納陽谷之所吐兮兼漢沔之殊名揔畎澮之

群液演西土之陰精遇萬山以左迴兮旋襄陽

而南榮切大別之東山兮與江湘乎通靈嘉清
源之勢體澹澹澶澶以安流鱗甲育其萬類兮蛟
龍集以嬉遊明珠胎于靈蚌兮夜光潛乎玄洲
雜神寶其充盈兮豈魚龜之足收

短人賦

侏儒短人焦僂之後出自外域戎狄別種去俗
歸義慕化企踵遂在中國形貌有部名之侏儒
生則象父唯有晏子在齊辨勇匡景拒崔加刃
不恐其餘疋么劣厥僂窶窶嘖嘖怒語與人相拒
矇昧嗜酒喜索罰舉醉則揚聲罵詈恣口衆人

十一
短人
左
卷
三

四

三十三
作
進

患忌難與共侶是以陳賦引譬比偶皆得形象
誠如所語詞曰雄荆鷄兮鶩鷖鷓鴣鳩雛兮鷓
鷗雌冠戴勝兮啄木兒觀短人兮形若斯熱地
蝗兮蘆即且子如切繭中踊兮蚕蠕湏上音而視短
人兮形若斯木門闌兮梁上柱弊鑿頭兮斷柯
斧鞞鞞鼓兮補履撲脫柄推兮擣薤杵視短人
兮形如許

青衣賦

金玉砂礫珠出蚌泥歎茲窈窕散在卑微盼倩
傲儷皓齒蛾眉縱橫接髮葉如低葵綺袖丹裳

躡蹈絲扉盤跚蹶蹠坐起低昂和暢善笑動揚
朱唇都冶武媚卓躒多姿精惠小心趨事如飛
中饋裁割莫能雙追關雎之潔不陷邪非察其
所履世之鮮希宜作夫人爲衆女師伊何尔命
在此賤微代無樊姬楚莊晉妃感昔鄭季平陽
是私故因楊國歷尔邦畿雖得嫵婉舒寫情懷
寒雪繽紛充庭盈階兼裳累鎮展轉倒頰吻昕
將曙鷄鳴相催飾駕趣嚴將舍爾乖矇冒矇冒
思不可排

筆賦

古文苑卷三

五

三百七

陳達

惟其翰之所生于季冬之狡兔性精亟以慄悍
體端迅以騁步削文竹以爲管加漆絲之纏束
形調搏以直端染玄墨以定色書軋坤之陰陽
讚宓皇之洪勳盡五帝之休德揚蕩蕩之明文
紀三皇之功代兮表八百之肆覲傳六經而綴
百代兮建皇極而序彝倫綜人倫於晻昧兮贊
幽冥於明神象類多喻靡施不協上剛下柔軋
坤位也新故代謝四時次也圓和正直規矩極
也玄首黃管天地色也

協和昏賦

惟情性之至好歡莫偉乎夫婦受精靈之造化
固神明之所使事深微以玄妙實人倫之所始
考遂初之原本覽陰陽之綱紀軋坤和其剛柔
良允感其晦腓葛覃恐其失時標梅求其庶士
唯休和之盛代男女德乎年齒婚姻協而莫違
播欣欣之繁祉良辰既至昏禮已舉二族崇飾
威儀有序嘉賓僚黨祁祁雲聚車服照路驂駢
如舉旣臻門屏結軌下車阿傳御堅鴈行蹉跎
麗女盛飾曄如春華

琴賦

一曰文苑卷三

六

三頁六

陳達

清聲發兮五音舉韻宮商兮動徵羽曲引興兮
繁絲撫然後哀聲旣發祕弄乃開左手抑揚右
手徘徊抵掌反復抑按藏催於是繁絃旣抑雅
韻乃揚仲尼思歸鹿鳴三章梁甫悲吟周公越
裳青雀西飛別鶴東翔飲馬長城楚曲明光走
獸率舞飛鳥下翔感激絃歌一低一昂

胡栗賦

樹遐方之嘉木兮于靈宇之前庭通二門以征
行兮夾堦除而列生彌霜雪之不彫兮當春夏
而滋榮因本心以誕節兮凝育櫟之綠英形猗

猗以艷茂兮似翠玉之清明

柳賦

覽竝樹之豐茂紛旖旎以脩長枝扶踈而罩布
莖摻捎以奮揚人情藏於舊物心惆悵以增慮
行游目而廣望觀城壘之故處悟元正之話言
信斯難而存懼嘉甘棠之不伐畏敢累於此樹
苟迷跡而退之豈駕馳而不屢

述行賦

余有行于京洛遭淫雨之經時途迤邐其蹇連
潦汙滯而爲災聊弘慮以存古宣幽情而屬辭
行游目以南望覽太室之威靈顧大河于北垠
覩洛汭之始并率陵阿以登降赴偃師而精勤
壯田橫之奉首義二士之夾墳

彈碁賦

榮華灼爍萼不韡韡於是列象雕華逞麗豐腹
斂邊中隱四企輕利調博易使馳騁然後我掣
兵綦夸驚或風飄波動若飛若浮不遲不疾如
行如留放一弊六功無與儔

溫泉賦

余適驪山觀溫泉浴神井羨洪澤之普施乃爲

賦云陽春之月百草萋萋余在遠行顧望有懷
遂適驪山觀溫泉浴神井風物巒壯厥類之獨
美思在化之所原覽中域之环恠無斯水之神
靈控湯泉乎瀛洲濯日月乎中營蔭高山之北
廷處幽屏以間清於是殊方跋一作涉駿奔來
臻士女擘其鱗萃紛雜速其如網亂曰天地之
德莫若生兮帝育蒸人恣厥成兮六氣滛錯有
疾癘兮溫泉汨焉以流穢兮蠲除苛慝服中正
兮熙哉帝載保性命兮

誦青衣賦

一十八卷之三

一三八條道

彼何人斯悅此艷姿麗辭美譽雅句斐斐文則
可佳志卑意微鳳兮鳳兮何德之衰高岡可華
何必棘茨醴泉可飲何必洿池隋珠彈雀堂溪
刈葵鴛鷓啄鼠何異乎鴟歷觀古今禍福之階
多由孽妾淫妻書戒牝鷄詩載哲婦三代之季
皆由斯起晉獲驪戎斃懷恭子有夏取仍覆宗
絕祀叔聃納由听聲狼似穆子私庚豎牛餒已
黃歇之敗從李園始魯受齊樂仲尼逝矣文公
懷安姜笑其鄙周漸將衰康王晏起畢公喟然
深思古道感彼關雎性不雙侶願得周公妃以

窈窕防微消漸諷諭君父孔氏大之列冠篇首
晏嬰潔志不顧景女乃雋不疑奉霍不受見尊
不迷况此麗豎三族元紀綢繆不序蟹行索妃
旁行求偶昏無媒理宗廟無主門戶不名依其
在所生女爲妾生男爲虜歲時酹祀詣其先祖
或於馬廐厨間竈下東向長跪接押觴酒悉請
諸靈僻邪無主多乞少出銅丸鐵柱積繒累億
皆來集聚嫡婉歡心各有先後臧獲之類蓋不
足數古之贅媾尚猶塵垢况明智者欲作奴父

羽獵賦

古文苑卷三

九

三十七 張明

皇上感天威之溘烈思太昊之觀虞表林麓而
廓萊藪剪荆梓而夷捺株於是鳳凰獻歷太僕
駕具蚩尤先驅兩師清路山靈護陣方神蹕御
羲和奉轡弭節西征翠蓋葳蕤鸞駕玲瓏山谷
爲之炎泊丘陵爲之皴傾於是皇輿綢繆遷延
容與抗天津於伊路夔遙集乎南圃大詔獠者
競逐長驅輕車飈厲羽騎電騫合雲集波流雨
馬蹂麋鹿輪麟狐兔弓不妄彎矢不虛舉鳥驚
往羅獸矢遇

觀舞賦

客有觀舞於淮南者美而賦之曰

音樂陳兮百酒施擊靈鼓兮吹參差叛淫衍兮
漫陸離於是飲者皆醉曰亦既具美人興而將
舞乃修容而改服龍袞羅縠之雜錯申綢繆而自
飾拊者啾其齊列盤鼓煥以駢羅抗脩袖以翳
面展清聲而長歌歌曰驚焉雄遊兮孤雌翔臨歸
風兮思故鄉搦纖腰以玄折嫵傾倚兮低昂增
芙蓉之紅華兮光灼爍以發揚騰嫵目以顧盼
盼爛爛以流光連翩絡繹乍續乍絕裾似飛鸞
袖如迴雪於是粉黛弛兮玉質粲珠簪挺兮緇
髮亂然後飾笄整髮被織垂縈同服駢奏合體
齊聲進退無差若影追形

終南山賦

伊彼終南歸截嶙峋旣靛青宮觸紫宸欽崱嶭律
萃于霞芬曖暉晻靄若鬼若神傍吐飛瀨上挺
脩林立泉落落密陰沉沉榮期綺季此焉恬心
三春之季孟夏之初天氣肅清周覽八隅皇鸞
鸞鴛鴦敬言乃前驅尔其珍恠珎碧玉挺其阿窠房

溜其巔翔鳳哀鳴集其上清水泌流注其前
彭祖宅以蟬脫安期饗以延年唯至德之爲美

我皇應福以來臻掃神壇以告誠薦珎馨以祈
仙嗟茲介福永終億年

浮淮賦

魏文帝

建安十四年王師自譙東征大興水運浮舟萬
艘時余從行始入淮口行泊東山觀師徒觀旌
帆赫哉盛矣雖孝武盛唐之狩舳艫千里殆不
過也乃作斯賦云

沂淮水而南邁兮泛洪濤之湟波仰巖岡之崇
阻兮經東山之曲阿浮飛舟之萬艘兮建干將
之鈇戈揚雲旗之繽紛兮聆榜人之謹譁乃撞
金鍾爰伐雷鼓白旄冲天黃越扈扈武將奮發
驍騎赫怒

又浮淮賦

王粲

從王師以南征兮浮淮水而遐逝背渦浦之曲
流兮望馬丘之高蒞泛洪槽于中潮兮飛輕舟
乎濱濟建衆檣以成林兮譬無山之樹藝於是
迅風興濤鉦鼓若雷旌麾翳日飛雲天回蒼鷹
飄逸遞相競軼凌驚波以高驚馳駭浪波而赴
質加舟徒之巧極美榜人之閑疾白日未移前
驅已屆群帥按部左右就隊軸轡千里各卒億

計運竝威以赫怒清海隅之帶芥濟元勲於一
舉垂休績乎遠裔

述行賦

曹植

尋曲路之南隅觀秦政之驪墳哀黔首之罹毒
酷始皇之爲君濯余身于秦井律湯液之若焚

大暑賦

王粲

惟林鍾之季月重陽積而上升喜潤土之溽暑
扇溫風而至興獸狼望以倚喘鳥垂翼而弗翔
遠昆吾之中景天地翕其同光征夫瘼於原野
處者困於門堂患衽席之焚灼譬烘燎之在床

起屏營而東西欲避之而無方仰庭槐而嘯風
風旣至而如湯於是帝后順時幸九峻之陰岡
託甘泉之清野御華殿於林光潛廣室之邃宇
激寒流於下堂重屋百增垂蔭千廡九閨洞開
周帷高舉堅冰常奠寒饌代叙

又大暑賦

劉楨

其爲暑也羲和揔駕發扶木太陽爲輿達炎燭
靈威參垂步朱轂赫赫炎天列列暉暉若熾燎
之附體又溫泉而沉肌獸喘氣於玄景鳥戢翼
於高危農畷捉罇而去疇織女釋杼而下機溫

風至而憎熱歎悒悒而無依披襟領而長嘯冀
微風之來思

又羽獵賦

王粲

相公乃乘輕軒駕四駱拊流星屬繁弱選徒命
士威興揭作旌旗雲擾鋒刃林錯揚輝吐火曜
野蔽澤山川於是乎搖蕩草木為之摧落禽獸
振駭魂亡氣奪舉首觸絲搖足遇撻陷心裂胃
潰頸破頰鷹犬競逐奕奕霏霏墜者若雨僵者
若坻清野滌原莫不殲夷

靈河賦

應瑒

咨靈川之遐源兮于崑崙之神丘凌增城之陰
隅兮賴后土之潛流衝積石之重險兮披山麓
之隘浮蹶龍黃而南邁兮紆鴻體而因流涉津
洛之阪泉播九道乎中州汾瀕涌而騰驚兮恒
亶亶而徂征肇乘高而迅逝兮陽侯沛而震驚

白髮賦

左思

星星白髮生於鬢垂雖非青蠅穢我光儀策名
觀國以此見疵將拔將鑷好爵是縻白髮將拔
惄然自訴稟命不幸值君年莫偏迫秋霜生而
皓素始覽明鏡惕然見惡朝生晝拔何罪之故

予觀橘柚一皜一曄貴其素華匪尚綠葉願哉
子之手攝子之鑷咨尔白髮觀世之途靡不追
榮貴華賤枯赫赫閭闔藹藹紫廬弱冠求仕童
髫獻謨甘羅乘軫子竒剖符英英終賈高論雲
衢拔白就黑此自在吾白髮臨拔瞋目號呼何
我之寃何子之娛甘羅自以辨惠見稱不以髮
黑而名著賈生自以良才見異不以烏鬢而後
舉聞之先民國用老成二老歸周周道肅清四
皓佐漢漢德光明何必去我然後要榮咨尔白
髮事故有以尔之所言非不有理曩貴者老今
薄舊齒皤皤榮期皓首田里雖有二毛河清難
俟隨時之變見歎孔子髮乃辭盡誓以固窮昔
臨玉顏今從飛蓬髮膚至昵尚不克終聊用擬
辭比之國風

遊後園賦

謝朓

積芳兮選木幽蘭兮翠竹上蕪蕪兮陰景下田
田兮被谷左蕙畹兮彌望右芝原兮寫目山霞
起而削成水積明以經復於是敞風闥之藹藹
聳雲館之迢迢周步檐以外降對玉堂之沈寥
尔乃日栖榆柳霞昭夕陽孤蟬已散去鳥成行

惠氣湛兮惟殿肅清陰起兮池館涼

枯樹賦

庾信

殷仲文風流儒雅海內知名代異時移出爲東陽太守常忽忽不樂顧庭槐而歎曰此樹婆娑生意盡矣至如白鹿貞松青牛文梓根柢盤魄山崖表裏桂何事而銷亡桐何爲而半死昔之三河徙殖九畹移根開花建始之殿落實睢陽之園聲含嶰谷曲抱雲門將鷄集鳳比翼巢鴛臨風亭而唳鶴對月峽而吟猿乃有拳曲擁腫盤坳反覆熊彪顧眄魚龍起伏節豎一作樹山連

文橫水蹙匠石驚視公輸眩目雕鐫始就剗仍加平鱗鏟甲落角摧牙重重碎錦片片真花紛披草樹散亂烟霞若夫松子古度平仲君遷森梢百頃槎枒千年秦則大夫受職漢則將軍坐焉莫不苔埋菌壓鳥剝蟲穿佗垂於霜露撼頓於風塵東海有白木之廟西河有枯桑之社北陸以揚葉爲關南陵以梅根作冶小山則叢桂留人扶風則長松繫馬豈獨城臨細柳之上塞落桃林之下若乃山河阻絕飄零離別拔本垂淚傷根流血火入空心膏流斷節橫洞口而

歌卧頓山要而半折文衰者合體俱碎理正者
中心直裂戴癭銜瘤藏穿抱穴木魅眇一作睽
山精妖孽况復風雲不感羈旅無歸未能採葛
還成食薇沉淪窮巷蕪沒荆扉旣傷搖落彌嗟
變衰淮南云木葉落長年悲斯之謂矣乃爲歌
曰建章三月火黃河千里槎若非金谷滿園樹
即是河陽一縣花栢大司馬聞而歎曰昔年移
柳依漢南今看搖落悽愴江潭樹猶如此人何
以堪一本木魅睽眇山精妖孽在膏沅
斷節之下橫洞口而歌卧之上

古文苑卷第三

古文苑卷第四

詩

栢梁詩

漢武帝元封三年作栢梁臺詔群臣二千石有能為七言詩乃得上座

日月星辰和四時皇帝驂駕馱馬從梁來梁王群國

士馬羽林材大司馬揔領天下誠難治丞相和撫四

夷不易哉大將軍刀筆之吏臣執之御史大夫撞鐘伐

鼓聲中詩太常宗室廣大日益滋宗正周衛交戟禁

不時衛尉揔領從官栢梁臺光祿勳平理請讞決嫌

古文苑卷四

三十五 李忠

疑廷尉修飭輿馬待駕來大僕群國吏功差次之大鴻臚

臚乘輿御物主治之少府陳粟萬石楊呂箕大司農

徼道宮下隨討治金吾三輔盜賊天下先左馮翊盜

阻南山為民災右扶風外家公主不可治京兆尹椒

房率更領其材詹事蠻夷朝賀常舍其典屬國柱扞

薄櫨相枝持大匠批把橘栗桃李梅太官令走狗走

兔張罝罟上林令齧妃女脣甘如飴郭舍人迫窘詰

屈幾窮哉東方朔

古梁父吟中都縣有田強古治子墓案三士皆齊人

步出齊城門遙望蕩陰里里中有三墓累累正



相似問是誰家墓田強古冶子力能排南山文
能絕地紀一朝被讒言二桃殺三士誰能爲此
謀國相齊晏子

錄別詩

李陵

有鳥西南飛熠熠似蒼鷹朝發天北隅暮聞日
南陵欲寄一言去託之牋綵繒曰風附輕翼以
遺心蘊蒸鳥辭路悠長羽翼不能勝意欲從鳥
逝駑馬不可乘

爍爍三星列拳拳月初生寒涼應節至蟋蟀夜
悲鳴晨風動喬木枝葉日夜零遊子暮思歸塞
耳不能聽遠望正蕭條百里無人聲豺狼鳴後
園虎豹步客庭遠處天一隅苦困獨零丁親人
隨風散歷歷如流星三革離不結思心獨屏營
願得萱草枝以解飢渴情

寂寂君子坐奕奕合衆芳溫聲何穆穆因風動
馨香清言振東序良時著西庠乃命絲竹音列
席無高唱悲意何慷慨清歌正激揚長哀發華
屋四坐莫不傷

晨風鳴北林熠熠東南飛願言所相思日暮不
垂帷明月照高樓想見餘光輝玄鳥夜過庭髣

髣能復飛褰裳路踟躕彷徨不能歸浮雲日千里安知我心悲思得瓊樹枝以解長渴飢陟彼南山隅送子淇水陽爾行西南游我獨東北翔轅馬顧悲鳴五步一彷徨雙鳧相背飛相遠日已長遠望雲中路想見來圭璋萬里遙相思何益心獨傷隨時愛景耀願言莫相忘

鍾子歌南音仲尼歎歸與戎馬悲邊鳴遊子戀故廬陽鳥歸飛雲蛟龍樂潛居人生一世間貴與願同俱身無四凶罪何為天一隅與其苦筋力必欲榮薄軀不如及清時策名於天衢

鳳皇鳴高罔有翼不好飛安知鳳皇德貴其來

見稀 闕

紅塵蔽天地白日何冥冥 闕

荅詩

蘇武

童童孤生柳寄根河水泥連翩遊客子千冬服涼衣去家千里餘一身常渴飢寒夜立清庭仰瞻天漢湄寒風吹我骨嚴霜切我肌憂心常慘戚晨風為我悲瑤光游何速行願支何遲仰視雲間星忽若割長帷低頭還自怜盛年行已衰依依戀明世愴恨難久懷

別李陵

雙鳧俱北飛一鳧獨南翔子當留斯館我當歸
故鄉一別如秦胡會見何詎央愴恨初中懷不
覺淚沾裳願子長努力言笑莫相忘

臨終詩

孔融

言多令事敗器漏苦不密河潰蟻孔端山壞由
猿穴涓涓江漢流天窻通冥室讒邪害公正浮
雲翳白日靡辭無忠誠華繁竟不實人有兩三
心安能合為一三人成市虎浸漬解膠漆生存
多所慮長寢萬方一作事畢

古文苑卷四

四

下年

全數

離合作郡姓名字詩

漁父屈節水潛匿方與岑進止出行施張呂公
磯釣盍口渭旁九域有聖無土不王好是正直
女回子匡海外有截隼逝鷹揚六翮將奮羽儀
未彰虵龍之蟄俾也可忘玫瑰隱曜美玉韜光
無名無譽放言深藏接轡安行誰謂路長

六言詩三首

漢家中葉道微董卓作亂乘衰僭上虐下專威
萬官惶怖莫違百姓慘慘心悲

郭李分爭為非遷都長安思歸瞻望關東可哀

夢想曹公歸來

從洛到許魏魏曹公憂國無私減去厨膳甘肥
羣僚率從祈祈雖得俸祿常飢念我苦寒心悲

雜詩二首

巖巖鍾山首赫赫炎天路高明曜雲門遠景灼
寒素昂昂累世士結根在所固呂望老匹夫苟
為因世故管仲小囚臣獨能建功祚人生有何
常但患年歲暮幸記一作不肖軀且當猛虎步
安能苦一身與 同舉厝田不慎小節庸夫笑
我度呂望尚不希夷齊何足慕

古文苑卷四

五

三十一宋珠

遠送親行客歲暮乃來歸入門望愛子妻妾向
人悲聞子不可見日已潛光輝孤墳在西北常
念君來遲寒裳上墟丘但見蒿與薇白骨歸黃
泉肌骨乘塵飛生時識父死 知我誰孤寡遊
窮暮飄飄安所依人生圖畫息爾死我念追俛
仰內傷心不覺淚沾衣人生自有命但恨生日
希

木蘭詩

不知名浙江西道觀察使兼
御史中丞韋元甫聞續附入

促織何唧唧木蘭當戶織不聞機杼聲唯聞女
歎息問女何所思問女何所憶女亦無所思女

亦無所憶昨夜見軍帖可汗大點兵軍書十二
卷卷卷有耶名阿耶無大兒木蘭無長兄願為
市鞍馬從此替耶征東市買駿馬西市買鞍韉
南市買轡頭北市買長鞭旦辭耶孃去暮宿黃
河邊不聞耶孃喚女聲但聞黃河流水鳴濺濺
旦辭黃河去暮宿黑山頭不聞耶孃喚女聲但
聞燕山胡騎聲啾啾萬里赴戎機關山度若飛
朔氣傳金柝寒光照鐵衣將軍百戰死壯士十
年歸歸來見天子天子坐明堂策勳十二轉賞
賜一作賜物百千強可汗問所欲木蘭不用尚書郎

樂府作欲與木蘭賞不願尚書郎

願馳千里足送兒還故鄉耶

孃聞女來出郭相扶將阿姊聞妹來當戶理紅
粧小第聞姊來磨刀霍霍向猪羊開我東閣門
坐我西間床脫我戰時袍着我舊時裳當總理
雲鬢挂鏡帖花黃出門看火伴火伴皆驚忙同
行十二年不知木蘭是女郎雄兔脚撲握一作朔
雌兔眼彌彌一作迷離覆一作兩兔傍地走安焉一作焉能
辨我是雄雌

嘲熱客

平生三伏時道里無行車閉門避暑卧出入不

相過只今能撼子觸熱到人家主人聞客來嘖
蹙奈此何謂當起行去安坐正咨嗟所說無一
急啾啾吟何多搖扇髀中疾流汗正滂沱莫謂
為小事亦是人一瑕傳戒諸高明契行宜見呵
齊梁詩四十五篇

侍遊西方山應詔

巡蠲望登年悵飲臨秋縣日羽鏡霜潯雲旗落
風甸四瀛良在目八寓婉如見小臣竊自嘉預
奉栢梁讌

遊仙詩

古文苑卷四

七

五十四

桃李不奢年桑榆多暮節常恐秋蓬根連翩因
風雪習道遍槐岷追仙度瑤碣綠帙啓真詞丹
經流妙說長河且已榮曾山方可礪

獻歲和風起日出東南隅鳳旆

亂煙龍駕溢

雲區結賞自負嶠移讌乃方壺金卮浮水翠玉
竿挹泉珠徒用 霜露改然天地俱

命駕瑤池隈過息羸女臺長袖何靡靡蕭管清
且哀璧門涼月舉珠殿秋風迴青鳥驚高羽王
母停玉盃舉手暫為別千年將復來

湘沅有蘭芷洎吾欲南征遺珮長出浦舉袂望

增城朱霞拂綺樹白雲照金楹五芝多秀色八
桂常冬榮弭節且夷與參差聞鳳笙

命駕隨所即燭龍導輕驪沙澤振寒草弱水駕
冰潮遠翔馳聲響流雪自飄颻忽與若者長
舉入雲霄羅澤徒有睨鷦明已寥寥

奉和南海王殿下詠秋胡妻

日月共為照松筠俱以貞佩分甘自遠結鏡待
君明且協金蘭好方愉琴瑟情佳人忽千里幽
閨積思生

其一

景落中軒坐悠悠望城闕高樹升夕煙曾樓蒲
初月光陰非或異川山屢難越輟泣拾鈇姿搔
首亂雲髮

其二

傾魂屢組火搖念待方秋涼氣承宇結明熠僚
堦流三星亦虛映四屋慘多愁思如萱草一
見乃忘憂

其三

杼柚鬱不諧契闊彌新故翔風欄上發寒鳥林
間度客遠乏衣裘歲晏饒霜露參差興別緒依

遲起離慕

其四

願言如何行信邁亦云反睇景不告勞瞻途寧
遽遠何以淹歸轍蠶妾事春晚送目亂前華馳
心迷舊婉

其五

椒珮容有結振芳跂路隅黃金徒以賦白珪終
不渝明心良自皎安用久踟躕遄速反於巷流
目下西虞

其六

栖玄寺聽講畢游郊園

道勝業茲遠心閑地能隙桂掩鬱初栽蘭墀坦
將闢虛檐對長嶼高軒臨廣液芳草列成行嘉
樹紛如積流風轉還逕清煙泛喬石日泊山照
紅松映水華碧暢哉人外賞遲遲眷西夕

別蕭諮議

任殿中昉

離燭有窮輝別念無終緒歧言未及申離目已
先舉揆景空衡阿臨風長楸渚浮雲難嗣音徘徊
悵誰與儻有關外驛聊訪狎鷗渚

王延

霏雲承永夜皓燭驚離軒執酒愴誰舉袖默
何言忍茲君為別如此歲方暄年深北岫時鳥
思南國園江上愁別日階下樹芳蓀

宗記室史

別酒正參差乖情將陸離悵焉臨桂苑憫默瞻
華池輕雲流惠采時雨亂清漪眇眇追蘭逕攸
攸結芳枝眷言終託何心寄方在斯

蕭諮議衍

問我去何節光風正悠悠蘭華時未晏舉袂徒
離憂緩客承別酒鳴琴和好仇清宵一已曙藹
爾泛長洲眷言無歇緒深情附還流

廿文苑卷四

二百六十六 徐子

蕭記室深前夜以醉乖例今晝由醒敬應
教

落日揔行轡薄別在江干遊客無淹期長洲有
急瀾分手信云易相思誠獨難之子兩特達伊
余日盤桓此式微歲共賞階前蘭

別蕭諮議又一首

徘徊將所愛昔別在河梁衿袖三處隔江山千
里長寸心無遠近邊地有風霜勉哉勤歲暮敬
矣事容光山川殊未憚杜若空為芳

和王友古意二首

沈石率等並和
數十人文多不載

遊禽暮知及行人獨未歸
坐銷芳草氣空度明月暉
嚔容入朝鏡思淚點春衣
至山采雲合湛上綠條晞
待君竟不至秋鴈愛愛飛

霜氣下盟津秋風度函谷
念君淒已寒當軒卷羅縠
織手廢裁縫曲鬢罷膏沐
千里不相聞寸心鬱紛蘊
况復飛螢夜木葉亂紛紛

餞謝文學離夜

漢池水中帶空山雲似蓋
澗泪背吳湖潏潏橫楚瀨
一望沮漳水寧思江海會
以我徑寸心從

古文苑卷四

一一

二五

徐達

君千里外

沈率約

差池鷺始飛羃歷草初輝
離人悵東顧遊子去西歸
清潮已架渚溽露復沾衣
一乖當春聚方掩故園扉

虞駕部

陽臺霧初解夢渚水裁綠
遠山隱且見平沙斷還續
分絃饒苦音別唱多淒曲
爾拂後車塵我事東臯粟

范通直雲

春夜別清樽江潭復為客歎息東流水如何故
鄉陌重樹始芬葢芳洲轉如積望望荆臺下歸
夢相思夕

謝文學

所供共歌笑誰忍別笑歌離軒思黃鳥分渚夢
青莎翻情結遠旆灑淚與行波春江夜明月還
望情如何

王中書

執手無還顧別渚有西東荆吳眇何際煙波千
里通春筍方解籜弱柳向低風相思將安寄悵

古文苑卷四

十二

三十一 陳達

望南飛鴻

蕭記室

汀洲千里芳朝雲萬里色悠悠在天隅之子去
安極春潭無與窺秋臺誰共陟不見一佳人徒
望西飛翼

寒晚敬和何徵君點

劉中書

踈酌候冬序閑琴改秋律如何將暮天復值西
歸日搖落迎軒牖飛鳴亂繩葦煙灌共深陰風
篁兩蕭瑟虛堂無笑語懷君首如疾早輕北山
賦晚愛東臯逸上德可潤身下澤有徐轡

別王丞僧

首夏實清和餘春滿郊甸花樹雜為綿月池皎
如練如何如此時別離言與面留雜已鬱紆行
舟亦遙衍非君不見思所悲思不見

學古貽王中書

范通直雲

攝官青瑣闥遙望鳳凰池誰言相去遠脉脉阻
光儀岱山饒靈異沂水富英奇獨翻凌北海翻
飛出南皮遭逢聖明后來棲桐樹枝竹花何莫
莫桐葉何離離可栖復可食此外亦何為豈如
顛顛者一粒有餘貲

雜體報范通直

和壁荆山下隨珠漢水濱無覆自昔代有美今
為隣三楚多才士江上復才人緯綃非善賈聖
德可名臣追飛且學步共子奉清塵紫庭風日
好青槐枝葉新徘徊吹接側欲見心所親例君
蘭蕙草何用以書紳

賦物為詠得慢

謝文學

幸得與君綴幕歷君之楹月暎不辭卷風來輒
自輕每聚金鑪氣時駐玉琴聲但願置樽酒蘭
缸當夜明

琵琶

王中書

抱月如可明懷風殊復清
絲中傳意緒花裏寄春情
掩抑有奇態悽鏘多好聲
芳袖幸時拂龍門空自生

箏

沈右軍

江南簫管地妙響日發孫枝
殷勤寄玉指合情舉復垂
雕梁再三繞輕塵四五移
曲中有深意丹心君詎知

奉和月下

雕雲度綺錢香風入珠網
獨知此夜月依遲慕

古文苑四

十四

世

神賞

奉和秋夜長

秋夜長夜長樂未央舞袖拂花燭
歌聲繞鳳梁四色詠

赤如城霞起青如松霧徹黑如幽都
雲白如瑤池雪

奉和織織

兩頭織織綺上紋半白半黑
鸚羣膈膈膊烏迷暝磊磊落落
玉石分

奉和代徐

王中書

自君之出矣芳蕤絕瑤卮思君如形影寢興未
曾離

并代徐

自君之出矣金爐香不然思君如明燭中宵空
自煎

詠梧桐

騫鳳影層枝輕虹鏡辰綠豈數龍門幽直慕瑤
池曲

和王中書劉中書

露庭晚翻積風閨夜入多縈藜似亂蝶拂燭狀

古詩苑卷四

一五

李忠

聯蛾

阻雪連句遙贈和

謝文學眺

風庭舞流霰冰池結文澌飲春雖以燠欽賢紛
若馳

江秀才革

珠雲條間響玉雷闔下垂杯酒不相接寸心良
共知

歌

淋池歌

使官人
歌之

漢昭帝

秋素景兮泛洪波揮纖手兮折芰荷涼風淒淒

揚棹歌雲光開曙月低河萬歲為樂豈云多

黃鵠歌

昭帝

始元元年黃鵠下太液池上為歌曰

黃鵠飛兮下建章羽肅肅兮行蹒蹒金為衣兮
菊為裳喑喋荷荇出入蒹葭自顧菲薄愧爾嘉
祥

招商歌

後漢靈帝

涼風起兮日照渠青荷晝偃葉夜舒惟日不足
樂有餘清絲流管歌玉鳧千年萬歲喜難踰

曲

落葉哀蟬曲

漢武帝

羅袂兮無聲玉墀兮塵生虛房冷而寂寞落葉
依於重扃望彼美之女兮安得感余心之未寧

苑卷第四





落葉哀蟬曲
漢武帝
羅袂兮舞臺空
玉樽兮塵生虛房
冷而寂
是念秋
依於重有
望彼美之女
言安得感余心
之悲



